

# 韶光流水也留诗

梦江南

## 目录

【七律】春之梳 (2012).....	3
【行香子】含羞草 .....	3
【七律】白海棠 .....	3
【五律】咏月虹美景 .....	4
【七律】下班遇龙卷风 (记: 04/03/2012 清明前夜) .....	4
【五律】清明 .....	4
【七绝】蓄发碎语 .....	5
【青玉案】青花瓷赋 .....	5
【七律】茉莉花茶 .....	5
【七律】家园收获 .....	6
【西江月】云瀑 (迴文) .....	6
【攤破浣溪沙】苏堤杨柳.....	6
【七律】海棠春睡 .....	6
【五绝】弦月问筝 .....	7
【七绝】一组 寻梅 嘖梅 落梅 惜梅 画梅 访梅.....	7
寻梅.....	7
嘖梅.....	7
落梅.....	7
惜梅.....	7
画梅.....	8

访梅.....	8
<b>【梦江南】系列:梨花溪;杏花雨;斑竹忆;菊花吟.....</b>	<b>8</b>
梨花溪.....	8
杏花雨.....	8
斑竹忆.....	8
菊花韵.....	9

### 【七律】春之梳 (2012)

春风又剪柳梢头，梳起千思天地游。  
新绿舒眉当有梦，韶光过眼应如绸。  
不幽不叹阴晴月，常感常承爱满秋。  
借问今宵花夜雨，几行为我泊方舟？

### 【行香子】含羞草

束玉青钗，飞入红埃。恰婷婷，羞触头埋。  
值舒芳采，竟遇时乖。  
却雾盈眸，霜盈悴，笑盈腮。

戈壁蓬莱，西草移栽。赋流年，似水乡怀。  
幽心众解，千结匀开。  
愿春风临，逆风去，顺风来。

*注：有感于含羞草网友抱病习诗词，乐观面对人生坎坷而作。*

### 【七律】白海棠

远叩清窗近叩门，也宜厅院也宜盆。  
春因罗绮收珠泪，秋为琴殇续断魂。  
褪去红妆梅浅韵，匀开素面雪留痕。  
何方仙子凡尘降，共我书斋沐月昏。

*注：罗绮,玉琴 指 <<秋海棠>>中的两个主人公。*

### 【古风】梅子青时

梅子青时，柳湮湖上，斜雨匀染，四月新妆。  
枝垂繁杏，玉蕊微凉，鹅茸尚浅，涩涩清香。  
风借醉意，云牵素裳，夜凉人倦，帘动烛慌。  
丝绪欲剪，更漏尤长，寸心谁省，泪词双行。  
雁栖书窗，勤衔修篁，煮酒传卮，曲水流觞。  
梅子青时，梦入南江，彼岸晨曦，此夜未央。

### 【五律】咏月虹美景

待月青峰下，临渊起蜃楼。  
钗环紫气降，桥断七弦浮。  
北极牵牛影，西厢织女眸。  
伊人奔故里，此处泊轻舟。

### 【七律】下班遇龙卷风 (记: 04/03/2012 清明前夜)

匆掩屏窗匆弃门，驾车夺路顶铅盆。  
黑龙浊雾浮残甲，巨兽腥风涌断鳞。  
拔地怒旋尘入斗，抛天忍戏屋如蚊。  
回眸犹望来时路，越近清明月更昏。

-- 新韵 [ 十五痕 ]

### 【五律】清明

适逢寒食夜，魂寄望城东。  
青草伴君舞，焚枝绕我浓。  
我生慈目下，你去泪遥中。  
只恨阴阳隔，相逢梦一重。

*注：清明祭外婆而作。*

### 【七绝】蓄发碎语

因知君恋柳飘扬，不忍青丝去短长。  
只愿心波柔似水，春来呵护到冬凉。

### 【青玉案】青花瓷赋

霁云含笔徐徐舞，展宣纸、苍穹处。青玉案台描几缕。  
素瓶方聚，晶蓝珀琥，浓淡成烟雨。  
芭蕉、惹雨、茜窗处，绿染铜环启帘户。梅下那人曾一顾？  
前朝江月，蓦然锁注，千载惊逢汝。

### 【七律】茉莉花茶

谦谦君子待斟茶，暖玉玲珑淡淡花。  
绿蜡盘中藏秀影，紫砂壶里舞翩芽。  
修眉含笑酬知己，冰蕊噙香醉万家。  
小萼素颜收拾去，甘随枯叶洗春华。

**【七律】家园收获**

疏林掩映庭中央，蝶舞蜂飞各自忙。  
松鼠搓拳藏硕果，乌鸦翘嘴品甜香。  
清晨浇水看新枣，迟暮望枝留蒂伤。  
若问秋来何所获，歪瓜劣枣半箩筐。

**【西江月】云瀑（迴文）**

浪涌青山迎上，江含雾锁迷章。  
辞香烟玉醉霓裳，墨底蒸云蕴酿。  
酿蕴云蒸底墨，裳霓醉玉烟香。  
辞章迷锁雾含江：上迎山青涌浪。

**【攤破浣溪沙】苏堤杨柳**

负与春君剪绿黄，错将清名嫁垂杨。独倚苏堤粼波镜，看鸳鸯。  
吹去如绵千点泪，噙来似雨半湖殇。因把别离抛不尽，断柔肠。

**【七律】海棠春睡**

无端豆蔻梦中吟，杏眼盈珠翠袖溼。  
怅忆孤山雁字影，情牵遍野蝶笺魂。  
叶寒因锁相思冷，蕊暖还融霜雪痕。  
一片霓裳和衣睡，画成嫩绿海棠春。

新韵 [ 十五痕 ]

### 【五绝】 弦月问筝

月问筝何静，弦鸣月自倾。  
相邀枝上挂，恍若故园声。

注：“月问筝何静，弦鸣月自倾”，月筝之间，一问一和鸣，一静一倾听，写月夜筝吟之景色。“相邀枝上挂，恍若故园声”，弦和新月相邀挂在树梢，恍若故园，喻忆故园。那一轮弦月之景，可曾是昔日的月圆残痕？亦恍若听到故园月下的弹筝之韵……

### 【七绝】 一组 寻梅 嗔梅 落梅 惜梅 画梅 访梅

#### 寻梅

新梅诗苑未开花，一翦惊鸿立断涯。  
正合江南无所有，同它步韵到吾家。

#### 嗔梅

依稀月下共横斜，笑遣眉颦透雪纱。  
原是青骢学竹马，凝眸西冷蜡梅花。

#### 落梅

春晚尤闻午时钟，梅花人面已不同。  
残衣轻解随风去，伤蕊逐波入梦中。

注：(新韵十八冬)

#### 惜梅

曾临独木绽双花，同对冰霜挂两涯。

我遇良朋君遇友，心心相应唱无邪。

### 画梅

身披玄素紫毫裁，傲骨嫣红墨润腮。  
莫道此君非艳色，香魂一缕笔端来。

### 访梅

东风送虎返山家，金兔探春踏雪涯。  
欲设三居除夕宴，且牵虎尾访梅花。

【梦江南】系列：梨花溪；杏花雨；斑竹忆；菊花吟

### 梨花溪

梨花落，点点入春溪。  
若借清流香冢去，  
寻逢半捧旧春泥。  
千古洞中栖。

### 杏花雨

杏花雨，片片染幽帘。  
初绽鹅黄一寸暖，  
乍凉香雪五片含。  
席卷入泥潭。

### 斑竹忆

斑竹忆，隐隐泪留痕。  
浪里青螺藏旧梦，



双娥尤在诉悲情。

胭色翠间凝。

### 菊花韵

菊花韵，卷卷醉纤红。

雾笼南山新墨浅，

风弹金甲晚霜浓。

姚紫一丛丛。